

Supervizor za Brčko imenuje dva zastupnika u Skupštinu u Brčkom

Vršilac dužnosti supervizora za Brčko, Gerhard Sontheim, je danas naimenovao prof. dr Milana Tomića i gospodina Halila Ljucu na mjesta zastupnika u Prijelaznoj Skupštini da obnašaju tu dužnost do održavanja izbora za Skupštinu Distrikta.

Dva upravo popunjena zastupnička mjesta su bila upražnjena nakon naimenovanja skupštinskih zastupnika Branka Damjanca i Ahmeta Derviševića na mjesta gradonačelnika Brčko Distrikta, nalogom supervizora od 3. prosinca 2003. god., odnosno Šefa Odjela za javnu sigurnost Brčko Distrikta, nalogom supervizora od 18. studenog 2003. godine.

Naimenovanjem prof. dr Milana Tomića i gospodina Halila Ljuce, Skupština Brčko Distrikta je iznova u punom sastavu, a sva tri naroda Distrikta su adekvatno zastupljena.

Gospodin Sontheim čestita novoimenovanim zastupnicima na naimenovanju i izražava vjerovanje da će obnašati svoju dužnost u službi Brčko Distrikta vođeni samo svojom savješću, Statutom Distrikta i interesima svih građana.